



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

U skladu sa Odlukom o dodjeli sredstava općinama Zeničko-dobojskog kantona za pomoć u izgradnji objekata za potrebe porodica čiji su stambeni objekti uništeni usljed prirodne nesreće, broj: 02-14-19400/14 i člana 12. Pravilnika o kriterijima i načinu dodjele pomoći za obnovu oštećenih stambenih objekata od prirodne nesreće na području općine Tešanj broj: 02-49-2-1887-3/14/14 od 30.10.2014. godine Općinski načelnik raspisuje

**JAVNI POZIV
za dodjelu novčane pomoći za izgradnju uništenih stambenih objekata
od prirodne nesreće na području općine Tešanj**

I - PREDMET JAVNOG POZIVA

Predmet javnog poziva je dodjela pomoći vlasnicima uništenih stambenih objekata (u daljem tekstu: korisnik pomoći) na području općine Tešanj usljed prirodne nesreće koja se dogodila u maju 2014. godine.

Pomoć se dodjeljuje u vidu finansijskih sredstava i namijenjena je za izgradnju jednog stambenog objekta u iznosu od 35.700,00 KM.

II - KORISNICI SREDSTAVA

Na raspisani javni poziv mogu se prijaviti isključivo vlasnici uništenih stambenih objekata na području općine Tešanj za čije je objekte Općinska komisija za procjenu štete (u daljem tekstu: Komisija za štete) utvrdila da pripadaju kategoriji uništenih objekata (totalna šteta).

Podstanar ili drugi korisnik oštećenog stambenog objekta ne može biti korisnik pomoći.

Vlasnici uništenih stambenih objekata čija je izgradnja završena ili je izgradnja u toku nemogu ostvariti prava iz ovog Javnog poziva.

III - USLOVI JAVNOG POZIVA

Da bi ostvarili pravo na dodjelu pomoći korisnici pomoći moraju ispunjavati sljedeće uslove:

- a) da su državljani Bosne i Hercegovine,
- b) da je vlasnik uništenog stambenog objekta imao prebivalište na području općine Tešanj na dan **15.05.2014. godine**.
- c) da je objekat evidentiran pod totalnim štetama u Evidenciji stambenih objekata Općinske komisije za štete Općine Tešanj (dokaz će obezbjediti Komisija),
- d) da uništeni objekat posjeduje dozvolu za građene izdatu od strane nadležnog općinskog organa,

e) da posjeduje nekretninu na kojoj je dozvoljena gradnja i na kojoj će izgraditi stambeni objekat od sredstava koja se dodjeljuju po ovom javnom pozivu.

IV - KRITERIJI ZA DODJELU NOVČANE POMOĆI

Kriteriji za dodjelu novčane pomoći za izgradnju stambenog objekta ostvaruje se prema sljedećim kriterijima:

a) Broj domaćinstava i broj članova domaćinstava koji su živili u uništenom stambenom objektu,

Komisija za upravljanje namjenskim sredstvima za sanaciju šteta i provođenje postupaka dodjele sredstava pomoći za otklanjanje posljedica će tokom postupka uzeti u razmatranje i sve službene evidencije o primljenoj pomoći.

V - DOKUMENTACIJA KOJU JE POTREBNO PRILOŽITI UZ PRIJAVU

Da bi ostvarili pravo na dodjelu pomoći krajnji korisnici su dužni dostaviti sljedeću dokumentaciju:

a) Prijava na javni poziv

b) Kopija lične karte

c) Uvjerenje o prebivalištu (CIPS-ova prijava)

d) Dokaz o vlasništvu na uništenoj imovini na području općine Tešanj na dan 15.05.2014. godine (zk izvadak i posjedovni list)

d) Kućna lista

e) Kopija dozvole za građenje (za uništeni objekat)

f) Dokaz o posjedu na nekretnini na kojoj će graditi kuću (posjedovni list)

g) Potvrdu o bankovnom računu vlasnika oštećenog stambenog objekta.

POSTUPAK DODJELE NOVČANE POMOĆI

Sa odabranim korisnikom pomoći zaključit će se Ugovor o načinu korištenja sredstava za obnovu sa jasno definisanim pravima i obavezama te rokovima za izvršenje zadataka Općine i korisnika pomoći.

Korisnik pomoći je dužan namjenski utrošiti dodijeljenu novčanu pomoć za izgradnju uništenog stambenog objekta i ista pravdati originalnim računima za svaki kupljeni materijal.

ROKOVI ZA PODNOŠENJE ZAHTJEVA

Zahtjev za novčanu pomoć u obnovi uništenog stambenog objekta po ovom pozivu podnosi se na propisanom obrascu na šalterima općine Tešanj i općinskim uredima u Šijama, Tešanjci, Jelahu i Kaloševiću do **26.11.2014. godine do 16:00 sati.**

Uz zahtjev se obavezno prilažu dokazi kojim podnositelj dokazuje da ispunjava kriterije za dodjelu novčane pomoći zajedno s potvrdom o bankovnom računu vlasnika oštećenog stambenog objekta.

Dostaviti:

1. Oglasna ploča Općine Tešanj,
2. Uredi Jelah, Kalošević, Šije i Tešanjka,
3. MZ-e,
4. Web stranica Općine Tešanj i
5. Mediji.

OPĆINSKI NAČELNIK

Mr. Sc. Suad Huskić, profesor